



## Formasaun Governu Tarde:

**Hamosu Violasaun ba Lei kona-bá Mandatu Forsa Armada Nia  
Xefe Estadu Maior Jeneral, Vise, Xefe Estadu Maior no  
Komandante Komponente sira**

**Mahein Nia Lian Nú. 126, 12 Setembru 2017**



*Foto PR@Julio Fernandes Guterres/2017*

**Fundasaun Mahein (FM)**  
**Website: [www.fundasaunmahein.org](http://www.fundasaunmahein.org)**  
**2017**



## Kontiudu sira

Kontiudu sira	2
Introdusaun	3
Metodolojia	4
Prosesu nomeasaun	4
Kompetensia Prezidente Repúblika nian	5
Mandatu CEMGFA, Vice-CEMFA, CEMFA no Komandante Komponente sira	6
a. Mandatu CEMGFA no Vice CEMGFA	7
b. Mandatu CEMFA	9
c. Komandante Komponente sira	9
Konkluzsaun	10
Rekomendasaun	10
Bibliografia	11



## Introdusaun

Relatóriu ida ne'e halo analiza husi aspetu legal sira ba asuntu sira defeza nian iha ambitu mandatu ba kargu sira Chefe Estado Maior General das Forças Armadas (CEMGFA), Vice-CEMGFA, Chefe Estado Maior das Forças Armadas (CEMFA) no Komandante Komponente sira nian. Hodi tetu ba situasaun atuál formasaun VII Governu Konstitusional nian, opiniaun legal, nomos rekomendasaun balu ne'ebé hakarak fo hanoin ba Governu foun, IV Lejislativa Parlamentu Nasional, liu-liu Prezidente Repúblika atu toma konsiderasaun ba asuntu hirak ne'ebé Fundasaun Mahein (FM) relata iha relatóriu ida ne'e.

Kontitusaun Repúblika Demokratika Timor-Leste artigu 74 n.º 2 defini Prezidente Repúblika maka Forsa Armada sira nia Komandante Supremu. Nune'e nomeasaun ba kargu sira irárkia F-FDTL nian, espesial liu, Forsa Armada sira-nia Xefe Estado Maiór Jeneral, Vise- Forsa Armada sira-nia Estado Maiór Jeneral, nu'udar kompeténsia rasik husi Prezidente Repúblika, tuir pontu m) husi artigu 86 Konstituisaun Repúblika Demokratika Timor-Leste. Iha sirkuntansia ida ne'e mandatu ba CEMGFA, Vice-CEMGFA, CEMFA no Komandante Komponente sira nian sei ramata iha loraon 6 Outubro 2017.

Kazu ida ne'e antes ne'e iha inisiu tinan 2016 mosu polêmika entre Prezidente Repúblika Taur Matan Ruak ho Governu iha altura ne'eba kona-bá nomeasaun, exonerasaun no rekondusaun mandatu CEMGFA, Vice-CEMGFA no CEMFA. Polêmika ida ne'e no mosu diskusaun naruk, ikus mai rekondusaun ba kargu CEMGFA Major General Lere Anan Timur renova fila-fali no nia limite to'o tinan rua ho nia efeitu husi loraon 6 Outubro 2015.<sup>1</sup> Rekondusaun ba kargu Vice-CEMGFA Brigadeiro General Filomeno da Paixão de Jesus renova fila-fali no nia limite to'o tinan rua ho nia efeitu husi loraon 6 Outubro 2015.<sup>2</sup> Nune'e mos rekondusaun ba kargu CEMFA Coronel Falur Rate Laek renova hikas ba periodu tinan ida ho nia efeitu husi loraon 6 Outubro 2016.<sup>3</sup>

Maibe to'o agora seidauk iha sinal ruma hodi halo nomeasaun foun ba CEMGFA, Vice-CEMGFA no CEMFA. Iha tempu hanesan formasaun ba VII Governu Konstitusional ne'ebé la'o neneik lolos no la to'o deit fulan ida mandatu CEMGFA, Vice-CEMGFA no CEMFA ramata ona. Iha ne'ebé mandatu CEMGFA, Vice-CEMGFA no CEMFA la bele renova fila fali ona ka tenke ramata iha loraon 6 Outubro 2017.

Nune'e objetivu husi nia relatóriu ne'e maka:

1. Análiza husi aspetu legal ho defeza no seguransa ba mandatu sira CEMGFA, Vice-CEMGFA, CEMFA no Komandante Komponente sira nian.
2. Prosesu nomeasaun ba CEMGFA, Vice-CEMGFA no CEMFA, tuir normas hirak ne'ebé FM identifika, hanesan baze atu Membru Governu ne'ebé iha kompetensia ba área Defeza Nasional, atu kumpre prosesu konsultasaun no

<sup>1</sup> Dekretu Prezidente da-Repúblika n.º 20/2016, de 19 de Maio

<sup>2</sup> Dekretu Prezidente da-Repúblika n.º 21/2016, de 19 de Maio

<sup>3</sup> Decreto Presidente da República n.º 47/2016, de 23 de Novembro



audisaun ho Konsellu Superior Defeza Militar<sup>4</sup>, molok aprova iha Konsellu Ministru, no hato'o proposta ba Prezidente Repúblika atu nomeia tuir 'Kompetensia Rasik' ne'ebé previstu iha Konstitusaun Repúblika no lei sira seluk.

3. Parlamentu Nasional toma konsiderasaun kona-bá asuntu nomeasaun CEMGFA, Vice-CEMGFA no CEMFA, tamba kestaun ida ne'e importante tebe-tebes ba funsionamentu setór defeza (F-FDTL) nian.
4. Ministériu ne'ebé kompete iha área Defeza Nasional, atu koordena ho Konsellu Promoções F-FDTL atu asegura prosesu promosaun sira tuir lei sira nia haruka, no atu hetan lejitimidade legais, tamba Dekretu Prezidente da-Repúblika anterior nian kona-bá nomeasaun, nomos mandatu ba CEMGFA, Vice-CEMGFA, CEMFA no Komandante Componentes sira presija dekreta no formaliza tuir Dekretu-Lei foun husi Prezidente Repúblika atual, tuir provizaun hirak ne'ebé hatúr iha "Decreto-Lei Decreto-Lei n.º 28/2016, de 13 de Julho, Primeira Alteração ao Decreto-Lei n.7/2014, de 12 de Março (Estatuto dos Militares das F-FDTL)", atu nune'e bele iha harmonizasaun desizaun hodi lejitima ba sira nia mandatu ho klaru.

### **Metodolojia**

Fonte informasaun ka dadus ba relatóriu ne'e maka dokumentu ofisial sira hanesan Konstituisaun Repúblika Demokratika Timor-Leste, Estatutu Militar ba F-FDTL, Dekretu Prezidente da Repúblika no dokumentu ofisial sira seluk ne'ebé relasaun ho nomeasaun no exonerasaun ho promosaun ba kargu CEMGFA, Vice-CEMGFA no CEMFA. Nune'e hodi konklui relatóriu ne'e liu husi metodu ne'ebé FM adopta maka *Security Sector Discussion* (SSD). SSD hanesan diskusaun ne'ebé involve peskizador sira husi FM nian hodi diskute no analiza ba materia sira ne'ebé relaciona ho relatóriu ne'e nia no hamosu rekomendasaun sira.


### **Prosesu nomeasaun**

Iha fulan Juñu 2016, VI Governu Konstitusional aprova Dekretu-Governu ida kona-bá Rejimentu Konsellu Superior Defeza Militar nian ne'ebé regula konaba órgaun prinsipal konsultivu entre militar ho membru Governu ne'ebé kompete iha área defeza nian. Órgaun ida ne'e ho karáter kolejial no permanente integradu iha estrutura órgânica Ministériu Defeza nian<sup>5</sup>. Bazeia ba Dekretu-Governu ida ne'e maka hatuur prosesu oinsa hamosu proposta promosaun ba ofisial Jeneral sira, nomeasaun no exonerasaun ba CEMFA<sup>6</sup>. Prosesu nomeasaun tuir Decreto do Governo n.º 6/2016, de 11 de Maio Regimento do Conselho Superior de Defesa Militar haree iha dezeñu kraik ne'e.

<sup>4</sup> Decreto do Governo n.º 7/2016, de 11 de Maio Regimento do Conselho Superior de Defesa Militar, artigo 2.º (Composição), 1. O CSDM tem a seguinte composição: a) Ministro de Defesa, que Preside, b) Chefe Estado-Maior General das F-FDTL (CEMGFA F-FDTL), c) Vice Chefe Estado-Maior General das F-FDTL (V-CEMGFA F-FDTL), d) Chefe Estado-Maior das F-FDTL (CEM das F-FDTL), e) Comandantes Componentes

<sup>5</sup> Artigo 1 Natureza de Decreto do Governo n.º 6/2016, de 11 de Maio Regimento do Conselho Superior de Defesa Militar

<sup>6</sup> Artigo 3 a no b) as propostas do membro do Governo com competência em matéria de Defesa Nacional ao Conselho Ministros sobre a nomeação e exoneração do CEMG das F-FDTL conforme o estabelecido na lei.



Dezeñu iha leten ne'e hatudu kona-bá prosesu ne'ebé hahu husi membru Governu ne'ebé kompetensia iha área Defeza ka Ministru Defeza, atu halo audisaun no konsulta uluk ho Konsellu Superior Defeza Militar ne'ebé kompostu husi CEMGFA nomos Vice-CEMGFA, Komandantes Komponente sira, no prezide husi Ministru Defeza.

Hafoin hetan ona aprovasaun iha Konsellu Superior Defeza Militar maka Ministru Defeza sei hato'o ba Konsellu Ministru atu hetan aprovasaun. Prosesu ikus liu sei hato'o proposta aprovasaun husi Konsellu Ministru ba Prezidente Repúblika atu nomeia tuir dekretu Prezidente no publika iha Jornal da Repúblika.

### **Kompetensia Prezidente Repúblika nian**

Nomeasaun ba kargu sira irárkia F-FDTL nian, espesial liu, Forsa Armada sira-nia Xefe Estadu Maiór Jenerál, Vise- Forsa Armada sira-nia Estadu Maiór Jenerál, nu'udar kompetensia rasik husi Prezidente Repúblika, tuir pontu m) husi artigu 86 Konstitusaun Repúblika Demokrátika Timor-Leste.

Artigu 86.º (Kompetensia kona-bá órgaun seluk) Prezidente Repúblika iha kompetensia, kona-bá órgaun sira seluk, atu:

- m) Nomeia no ezonera, tuir Governu nia proposta, Forsa Armada sira-nia Estadu-Maiór Jenerál nia Xefe no nia Vise-Xefe no Forsa Armada sira-nia Estadu-Maiór nia Xefe, rona tiha, iha kazu sira ikus ne'e, Forsa Armada sira-nia Estadu-Maiór Jenerál nia Xefe;

Tuir art. 14.º e) husi Lei de Defesa Nacional (Lei n.º 3/2010, de 21 de Abril), kompete ba Prezidente Repúblika: "e) nomeia no exonera, tuir proposta husi Governu, . 14.º e) da Lei de Defesa Nacional (Lei n.º 3/2010, de 21 de Abril"<sup>7</sup>.

<sup>7</sup> art. 14.º e) da Lei de Defesa Nacional (Lei n.º 3/2010, de 21 de Abril), compete ao Presidente da República: "e) Nomear e exonerar, sob proposta do Governo, o CEMGFA e o Vice CEMGFA".



Artigo 70.º (Competencia) husi Estatuto dos Militares das F-FDTL (Decreto-Lei n.º 28/2016, de 13 de Julho, Primeira Alteração ao Decreto-Lei n.º 7/2014, de 12 de Março);

“É da exclusiva competência do Presidente da República proceder à promoção dos militares das F-FDTL ao posto de oficial general e de oficiais generais, sob proposta do Conselho de Ministros”

Nune'e mos iha Artigo 74.º husi Estatuto dos Militares das F-FDTL (Decreto-Lei n.º 28/2016, de 13 de Julho, Primeira Alteração ao Decreto-Lei n.º 7/2014, de 12 de Março) estabelese katak<sup>8</sup>;

Artigo 74º Nomeasaun no exonerasaun Forsa Armada sira nia Estadu-Maiór Jenerál nia Xefe

1. Forsa Armada sira nia Estadu-Maiór Jenerál nia Xefe ne'e ofisial Jeneral ida ne'ebé nomeia no exoneru husi Prezidente da-República, tuir proposta husi Governu, hafoin halo tiha audisaun ho Konsellu Superiór Defeza ho Seguransa, liu husi membru Governu ne'ebé kompetensia iha área Defeza Nasional;
2. Vise-Xefe no Forsa Armada sira-nia Estadu-Maiór nia Xefe nomeia no exoneru husi Prezidente da-República, sob-proposta husi Governu, hafoin rona tiha lai Xefe no Forsa Armada sira-nia Estadu-Maiór nia Xefe F-FDTL no hala'o audisaun ho Konsellu Superior Defeza ho Seguransa.

Tuir mai artigo 75.º husi Estatuto dos Militares das F-FDTL (Decreto-Lei n.º 28/2016, de 13 de Julho, Primeira Alteração ao Decreto-Lei n.º 7/2014, de 12 de Março, mos regula konaba nomeasaun no exonerasaun ba Komandantes Komponentes sira hotu hateten katak:

1. O Chefe das Estado Maior das F-FDTL e os Comandantes das componentes são nomeados e exonerados pelo Presidente da República, sob Proposta do Governo, ouvido o CEMG F-FDTL e precedida de audição do Conselho Superior de Defesa e Segurança.
2. O exercício dos cargos de CEM das F-FDTL e de Comandante de Componente têm a duração máximo de dois anos, podendo ser renovados por única vez.

### **Mandatu CEMGFA, Vice-CEMFA, CEMFA no Komandante Komponente sira**

Iha inísiu tinan 2016 kotuk liu ba, mosu polémika no diskusaun legál lubuk ida kona-bá nomeasaun no exonerasaun ba mandatu CEMGFA, Vice-CEMGFA, CEMFA, ho Komandantes Komponentes sira. Prezidente República anterior nia nomeasaun ba CEMGFA, Vice-CEMGFA, CEMFA nomos Komandantes Komponentes sira, tuir Dekretu Prezidente República n.º 20/2016, de 19 de Maio, no Dekretu Prezidente da-República n.º 21/2016, de 19 de Maio (Dekretu Prezidente da-República anterior

---

<sup>8</sup> O art. 74.º do Estatuto dos Militares das F-FDTL (Decreto-Lei n.º 7/2013, de 12 de Março - EMFAR) estabelece que: Artigo 74º Nomeação e exoneração do Chefe e Vice-Chefe do Estado-Maior General das F-FDTL 1. O CEMG das F-FDTL é um oficial general nomeado e exonerado pelo Presidente da República, por proposta do Governo, precedida da audição do Conselho Superior de Defesa e Segurança, através do membro do Governo com competência em matéria de Defesa Nacional. 2. O Vice - CEMG das F-FDTL é nomeado e exonerado pelo Presidente da República, sob proposta do Governo, ouvido o CEMG das F-FDTL e precedida de audição do Conselho Superior de Defesa e Segurança.



dekreta bazeia ba Dekretu-lei anterior ne'ebé iha altura ne'eba seidauk hetan alterasaun).

Razaun tamba dekretu Prezidente Repúblika anterior mensiona mos períodu "ninia efeitos sura hahu husi loron 6 Outobru 2015", inklui nomeasaun ba kargu sira Komandante Komponente sira ho Chefe Estado Maior (CEM), sira nia mandatu ba tinan rua, bazeia ba Estatutu Militar F-FDTL.

#### **a. Mandatu CEMGFA no Vice-CEMGFA**

Mandatu ne'ebé regula tuir artigu 74° (Nomeação e Exoneração do Chefe e Vice Chefe do Estado-Maior General das F-FDTL), husi Decreto-Lei n.º 28/2016, de 13 de Julho, Primeira Alteração ao Decreto-Lei n.º 7/2014, de 12 de Março, hateten katak;

1 (...)

2 (...)

3. Exersísio ba kargus CEMG F-FDTL nian nomos Vise-CEMG F-FDTL ho durasaun máximu tinan haat, no bele renova tan dala ida de<sup>9</sup>.

Prezidente Repúblika anterior simu karta proposta husi VI Governu Konstitusional, kona-bá mandatu CEMGFA nomos Vice-CEMGFA, iha loron 26 Outobru 2015, no iha altura ne'eba Prezidente Repúblika TMR fo resposta fali ba Governu kona-bá proposta refere iha loron 5 Novembru 2015.

Hafoin ida ne'e, Prezidente Repúblika anterior Taur Matan Ruak mos levanta kestaun CEMGFA ho Vice-CEMGFA nia mandatu ne'ebé preziza rezolve lalais tuir lei sira nia haruka. Iha altura reuniaun Konsellu Superior Defeza no Seguransa iha loron 4 Feveiru 2016 Prezidente Repúblika Taur Matan Ruak levanta asuntu ne'e no hahu fali loka diskusaun entre Governu ho Prezidente Repúblika tamba kuaze fulan neen nia laran asuntu mandatu la iha solusaun no hamosu polêmika iha altura ne'eba.

Liu tiha diskusaun lubuk ida, ikus mai Prezidente Repúblika anterior Taur Matan Ruak, dekreta nomeasaun ba extensaun mandatu Xefe no Forsa Armada sira-nia Estadu-Maiór nia Xefe F-FDTL, nomos ninia Vise, iha loron 19 Maiu 2016 (Dekretu Prezidente da-Repúblika n.º 20/2016, de 19 de Maio, no Dekretu Prezidente da-Repúblika n.º 21/2016, de 19 de Maio).

Tuir FM nia observasaun katak kestaun nomeasaun no exonerasaun ba mandatu sira "posto de oficial general e de oficiais gerais", inklui Komandantes Komponente sira, ne'e "kompetensia rasik" Prezidente Repúblika no la iha limitasaun atu exerse direitu ida ne'e. Maske Governu hanesan parte ida ne'ebé hato'o proposta ("sob proposta"), maibe la vinkula direitu Konstitusional Prezidente Repúblika atu desidi no nomeia ka exonera kargu sira postu jeneral no ofisiais jenerais sira, hanesan regula iha artigu 70° husi Estatutu Militar hateten "kompetensia eksklusiva Prezidente Repúnlika atu prosede promosaun ba militar F-

---

<sup>9</sup> Artigo 74° n.º 3. O exercício dos Cargos de CEMG das F-FDTL e Vice-CEMG das F-FDTL têm a duração máximo de quatro anos, podendo ser renovados por uma única vez



FDTL ba postu hirak jeneral ba postu ofisial jeneral nomos ofisiais jenerais, tuir proposta husi Governu<sup>10</sup>.

Tuir FM nia observasaun katak nomeasaun no extensaun ba mandatu CEMGFA, nomos Vice-CEMGFA, konsidera mos ba kestaun idade ne'ebé regula tuir Decreto-Lei n.º 7/2014 Estatutu Militar F-FDTL nian, iha altura seidauk altera ba mandatu tinan ida<sup>11</sup>.

Liu-liu iha artigu 195º (reforma), n.º1 ne'ebé hateten katak militar sira ne'ebé passa ba situasaun reforma nian bainhira atinji ona idade tinan 60.

1. O militar passa à situasaun de reforma sempre que atinja os 60 anos de idade;
2. O Militar que atinja os 60 anos de idade pode continuar ao serviço, desde que reunidas as condições prevista na lei geral, designadamente; e) depois da aprovada a continuidade de funções pelo CEMG das F-FDTL, ou pelo Presidente da República, nos casos do CEMG e Vce-CEMG das F-FDTL, é proposta ao militar, que poderá aceitar ou recusar.

Kestaun idade ne'e mos regula tan iha alterasaun ba Dekretu-Lei refere no kontinua sublina katak mandatu durasaun ba tinan 60<sup>12</sup>. Diploma refere mos mensiona rekeztus balu kona-bá kontinuasaun ba forsa sira ne'ebé to'o ona idade 60, liu-liu hafoin hetan aprovasaun ba sira nia kontinuada funsaun husi Xefe Estado Maior Jeneral F-FDTL ou husi Prezidente Repúblika.

Tuir FM nia hatene katak maioria komandante sira ne'ebé atualmente assume hela kargu hanesan Komandante Komponente sira, CEMGFA, Vice-CEMGFA, CEMFA, maioria sira nia idade to'o ona 60. Tamba ne'e extensaun mandatu tuir Dekretu-Prezidente Repúblika anterior konsidera mos ba kestaun idade, nune'e maioria sei kontinua mantein funsaun ba mandatu tinan rua efeitus husi loron 6 Outubru 2015- 6 Outubru 2017<sup>13</sup> (Dekretu Prezidente Repúblika anterior mos mensiona klaramente kona-bá kestaun período mandatu).

---

<sup>10</sup>Artigo 70º husi Decreto-Lei Decreto-Lei n.º 28/2016, de 13 de Julho, Primeira Alteração ao Decreto-Lei n.º 7/2014, de 12 de Março (Estatuto dos Militares das F-FDTL: 'É da exclusiva competência do Presidente da República proceder à promoção dos militares das F-FDTL ao posto de oficial general e de oficiais generais, sob proposta do Conselho de Ministros'

<sup>11</sup> Decreto Presidente da República n.º 20/2016, de 19 de Maio, "É reconduzido no cargo de Chefe Estado-Maior Genereal das FALINTIL-Força de Defesa de Timor-Leste, O Maior-General Lere Anan Timur, pelo período de um ano, nos termos do art.º 195, n.2d) e e) do Decreto-Lei n.º7/2014, de 12 de Março (EMFAR) renovavel até ao limite de dois anos..."

<sup>12</sup> Artigo 293.º (Renovação do mandato do Chefe de Estado Maior)

1. O exercício do cargo de Chefe de Estado Maior das F-FDTL, previsto no n.º 2 do artigo 75.º, pode título e excepcional e provisório, ser renovado para um terceiro mandato, com a duração máxima de 2 anos.

2. O regime excepcional previsto no número anterior, termina em 31 de Dezembro de 2016, mantendo-se os efeitos das nomeações realizadas no seu âmbito até à data em que caduquem.

<sup>13</sup> Decreto Presidente da República n.º 20/2016, de 19 de Maio, e Decreto Presidente da República n.º 21/2016, de 19 de Maio.





## **b. Mandatu CEMFA**

Prezidente Repúblika anterior mos nomeia kargu importante sira hanesan Komandante Komponente sira iha F-FDTL ho mandatu tinan ida, efektus ba mandatu refere sura husi lora 6 Outobru 2016.

Tamba CEMFA Coronel Falur Rate Laek, mos nomea ona ba kargu refere tuir (Decreto Presidente da República n.º 47/2016, de Novembru), (iha tinan 2011 Prezidente Repúblika dekreta tuir Decreto do Presidente da República n.º 64/2011, 65/2011, nomos Dekretu n.º 66/2011, de 06 de Outobru), ho mandatu ba tinan rua. Iha tinan 2013<sup>14</sup>, VI Governu Konstitusional la hato'o proposta ba Prezidente da-Repúblika atu extende no dekreta CEMFA nia mandatu, ho razaun ne'e Prezidente Repúblika anterior Taur Matan Ruak formaliza CEMFA nia mandatu tuir Dekretu Prezidente da-Repúblika Decreto Presidente da República n.º 47/2016, de Novembru.

Tuir artigo 75.º husi "Estatuto dos Militares das F-FDTL, hateten katak "durasau mandatu ba tinan rua no bele renova tan dala ida deit". Artigu ida ne'e espesial liu ba CEMFA, nomos Komandante Komponente sira hotu-hotu iha F-FDTL. Iha parte seluk kestaun limite ba idade 60 mos sai hanesan pontu importante ida husi kontinuasaun ba mandatu Xefe Estadu Maior F-FDTL. Tamba forsa hirak ne'ebé atinji ona tinan 60 sei ba reforma no sira nia extensaun mandatu sei bele kontinua hafoin hetan aprovasaun husi Xefe Estadu Maior Jeneral F-FDTL ou husi Prezidente Repúblika<sup>15</sup>.

## **c. Komandante Komponente sira**

Iha lora 23 Novembru 2016, Prezidente Repúblika anterior Taur Matan Ruak rekonduziu Chefias Militares ba mandatu tinan rua (Komandante komponente sira) hanesan (Decreto Presidente da República n.º 46/2016, de 23 de Novembru):

- Komandantes Komponentes Terrestre: Tenente Coronel Marcelino Ximenes;
- Naval Ligeira: Capitão de Fragata Adão de Brito;
- Formação e Treino: Tenente Coronel Celestino Pinto;
- Apoio e Serviço: Tenente Coronel Benedito dias Quintas

Tuir FM nia hatene katak oras ne'e mandatu ba Komandante Komponente sira hotu-hotu presiza renova ka extende tuir Dekretu Prezidente da-Repúblika atual, tamba períodu mandatu ba Komandante Komponente sira mos kada tinan rua tuir Estatutu Militar F-FDTL no presija harmonia ho Dekretu-lei versaun alterasaun no dekreta husi Prezidente Repúblika<sup>16</sup>.

---

<sup>14</sup> Decreto do Presidente da República n.º 64/2011, 65/2011, nomos Decreto Presidente da República n.º 66/2011, de 06 de Outobru.

<sup>15</sup> Artigo 293 husi Decreto-Lei Decreto-Lei n.º 28/2016, de 13 de Julho, Primeira Alteração ao Decreto-Lei n.º 7/2014, de 12 de Março (Estatuto dos Militares das F-FDTL)

<sup>16</sup> Konstituisaun Artigu 86 m) Nomeia no ezonera, tuir Governu nia proposta, Forsa Armadasira-nia Estadu-Maiór Jenerál nia Xefe no nia Vise-Xefe no Forsa Armada sira-nia Estadu-Maiór nia Xefe, rona tiha, iha kazu sira ikusne'e, Forsa Armada sira- nia Estadu-Maiór Jenerál nia Xefe;



Rekondusaun ba kargu xefias militar hanesan Komandantes Komponentes preziza konsidera husi Prezidente Repúblika atu halo harmonizasaun tuir Dekretu-Lei foun versaun alterasaun iha tinan 2016.

### **Konkluzau**

Mandatu CEMGFA, Vice-CEMGFA, CEMFA no Komandante Komponente sira nian ne'ebé sei ramata iha lora 6 Outobru 2017. Maibe to'o agora seidauk iha sinal kona-bá nomeasaun foun ba kargu sira ne'e. Nune'e mos kargu sira CEMGFA no Vice-CEMGFA la bele ona rekondus ka renova fila fali sira nia mandatu. Tamba sira hotu asume ona mandatu periodu rua tui-tuir malu desde tinan 2011 no rekondus iha tinan 2015 (Dekretu Prezidente 2016), nomos passa ona ba idade reforma. Inklui mandatu CEMFA nian ne'ebé ramata ona iha tinan 2015 ba periodu rua nian no rekondus hikas iha tinan 2016 no tuir Dekretu Prezidente Repúblika nian tinan 2016 nia limite to'o deit tinan ida.

Iha tempu hanesan VII Governu Konstitusional seidauk simu posse no Governu atual ka Governu de Jestaun la iha poder Konstitusional no legal hodi toma desizaun ba asuntu ne'e. Nune'e mos Konsellu Superior Defeza no Seguransa ne'ebé hanesan orgaun konsulta Prezidente Repúblika nian ba materia sira Defeza no Seguransa to'o agora seidauk funsiona. Maske tuir Lei Organika Konsellu Superior Defeza no Seguransa enkontru regular konsellu nian akontese kada fulan tolu. Ironiku liu tan membru na'in rua ne'ebé Prezidente Repúblika hili to'o agora seidauk eskolla. Portantu Konsellu Superior Defeza no Seguransa hanesan orgaun ida ne'ebé Prezidente Repúblika prejide hodi konsulta kona-bá asuntu sira nomeasaun no exonerasaun CEMGFA, Vice-CEMGFA, CEMFA no Komandante Komponente sira nian.

Ida ne'e iha possibilidade boot sei viola tan lei sira tamba Governu foun la iha biban hodi toma lalais desizaun hodi halo konsulta sira iha Konsellu Superior Defeza Militar no lori ba Konsellu Ministru hodi aprova, no ikus liu lori ba Prezidente Repúblika hodi nomea no dekreta.

### **Rekomendasaun**

FM rekomenda:

1. Atu instituisaun sira Governu, F-FDTL, no Prezidente Repúblika konsidera asuntu importante ida ne'e, tamba sira nia mandatu maioria sei remata iha inísiu fulan Outobru 2017.
2. Ministériu Defeza (Ministru Defeza) foun atu halo ona konsultasaun no audisaun ho Konsellu Superior Defeza Militar (F-FDTL), atu antisipa prosesu, nomos mandatu ba Chefe Estado Maior Coronel Falur Rate Laek ho Komandante Komponente sira ne'ebé sei remata iha lora 6 Outobru Outobru 2017.
3. Ministru Defeza foun preziza haree lakuna balu kona-bá baze legais ba extensaun mandatu CEMGFA ho Vice-CEMGFA, tamba nomeasaun no extensaun ba sira nia mandatu, Prezidente Repúblika nomea bazeia ba Dekretu-lei EMFAR anterior ne'ebé ho períodu tinan ida tamba kestaun idade.



## **Bibliografia**

Dekretu Prezidente da-República n.º 20/2016, de 19 de Maio

Dekretu Prezidente da-República n.º 21/2016, de 19 de Maio.

Decreto Presidente da República n.º 47/2016, de 23 de Novembro

Decreto-Lei Decreto-Lei n.º 28/2016, de 13 de Julho, Primeira Alteração ao Decreto-Lei n.º 7/2014, de 12 de Março (Estatuto dos Militares das F-FDTL)

Decreto do Presidente da República n.º 64/2011, 65/2011, nomos Decreto Presidente da República n.º 66/2011, de 06 de Outubro.

Decreto do Governo n.º 6/2016, de 11 de Maio Regimento do Conselho Superior de Defesa Militar

Konstitusaun República Demokratika Timor-Leste

Lei de Defesa Nacional (Lei n.º 3/2010, de 21 de Abril)